

Deinde multi imaginantur sibi plures molestias vitæ conjugalis, quàm revera sunt. Porro molestiæ vitæ conjugalis condiantur multis jucunditatibus; ut jam omittamus alia.

VII. *A causis divortii à Deo præscriptis ad humanas non valet argumentum. Nam hîc non est par ratio.*

VIII. *Ex necessitate coniugii hypotheticâ non rectè concluditur absoluta. Si quis enim à Deo habeat donum specialis continentiæ, debet illud talentum rectè collocare, & proinde abstinere à conjugio.*

C A P U T XVII.

De Magistratu.

I. **A** *Magistratus considerato in concreto ad magistratum in abstracto non valet consequentia. Nam ibi consideratur persona, quæ multis modis potest esse vitiosa: hîc functio, quæ suâ naturâ est bona & sancta.*

II. *Ab administratione imperii ad imperium seu potestatem non valet conclusio. Eadem est ratio hujus canonis, quæ præcedentis. Sic Nimrodi imperium erat res bona: administratio mala.*

III. *A iure regis vero ad usurpatum, & vicissim,*